



Synfocity = 1016

mail us at : mzsinfo@gmail.com; mizoramsynod@gmail.com - Phone - 2314648

January 15, 2026

❑ Synod Office hawn a ni leh ta

January 7, 2026 (Nilaini) khan kum 2026 atan Synod Office hawn tan a ni leh ta a. Synod Office hawn ni hian Devotion-ah Rev. John Raldosanga, Synod Moderator-in hun a hmang a, fuihna thuchah sawiin inhlan tharna hun hman a ni a, tanngairualna neih a ni. Moderator chuan hun vawng dik tur leh hun ngai pawimawh tur te, mi dangte lawm thiam tur leh mi dangte dawngsawng thiam tur te leh thianghlimna kawnga tan la thar turin thawktute a fuih a ni.

Hemi ni hian Office-a awm thar tur mi 9 te inhmelhriattirna leh inlawmna neih zui nghal niin Synod Office-a thawktu awmna siamrem te pawh charge an inhlan fel nghal baw.

❑ Pastor leh Pro. Pastor Induction tuang taka neih a ni

January 11, 2026 (Pathianni) chawhnu khan Mizoram chung leh pawn hmun hrang hrangah Pastor leh Pro. Pastor Induction tuang taka neih a ni a, Pastor Induction hmang hian Synod puipate pawh bial hrang hrangah an kal a. January 17, 2026 (Inrinni) khan Synod Inkhawmpuiin a rel angin bial thar pasarih hawn a ni baw.

❑ Mizoram Presbyterian Kohhran din Tan Ni

January 11 (Pathianni) kha Mizoram Presbyterian Kohhran Din Tan Ni a ni a, Chawhnu leh zan atan thupui zir tur ruahman a ni a, chawhnuah 'Ringtu leh sum enkawl hna' tih leh zanah 'Mizoram Presbyterian Kohhran leh Pathian ram thawhlawm' tih chu zir ho a ni.

Kum 2014 Synod Inkhawmpui chuan 'Kan Kohhran din kum chu 1894 January 11 a ni e' tiin a rel a. Kum 2016 Synod Inkhawmpui chuan 'Mizoram Presbyterian Kohhran din tan ni hi Synod Ni pawimawhah telh ve ni rawh se' tiin a rel leh a, Synod Executive Committee (SEC)-in bawhzuiin 'Mizoram Presbyterian Kohhran Din Tan Ni January 11 hi kum 2018 atangin hman tan ni sela - Synod Calendar-ah telh ni se, Synod Holiday-ah telh ni se' tiin a rel a ni.

❑ Social Front

January 10-11, 2025 chung khan Phuaibuang Kohhranah Mental Health, HIV/AIDS leh Ruihhlo Do Seminar leh Awareness Campaign neiin campaigner-te, Rev. Dr. H. Lalnunmawia, Rev. Dr. Andrew H. Lalnlaniana leh Rev. H. Lalbiakhluna te an kal.

❑ MSSU

January 17, 2026 (Inrinni) hian Sunday School Zirtirtu Training neihpui turin MSSU Trainer-te hetiang hian an chhuak ang:

Bungkawn H/S Veng Kohhran	Upa K. Vanlalnghaka
	Upa Lalchualova
	Upa H. Lalnginglova
Damdep Bial	Upa K. Zoremsanga
	Upa Isak Zarzoliana Chhangte
	Upa H. Lalremruata
Kaisanary Bial	Upa Hrilthansanga
	Upa Lalsiammawia Pachuau

❑ Synod Relief Fund

Tun hnaia harsatna hrang hrang tawkte hnenah Synod Relief Fund atangin hetiang hian chhawmdawlina pek a ni.

S.No	Khua/Veng	Pek chhan	Chhungkaw zat	Pek zat
1.	Rengdil Hmuntha	Damlo	1	₹ 10,000/-
2.	Pehlawn	Damlo	1	₹ 10,000/-
3.	Tuidam	Khawsak harsa	1	₹ 10,000/-
			Belh khawm	₹ 30,000/-

☐ **Zin**

January 16-24, 2026 chung hian Home Mission South-a Synod Mission School hrang hrang tlawh turin Pu R. Lalringliana, Supervisor of Schools a kal ang.

☐ **Sunna : Rev. S.R. Lalkailuaia, Kum 84**

Rev. S.R. Lalkailuaia hi Tualchêng khuaah January 21, 1941 khân a piang a. May 16, 1967-ah Kâwlthikûngi nêen an innei a, fa pasarih (Mipa pahnih leh Hmeichhia panga) an nei.

Kum 1968 - 1971 chhungin ATC-ah L.Th. a zir a, kum 1976 - 1985 chhunga Keitum Bial-a a awm laiin B.Th. a pass leh a ni. Kum 1971 Synod Inkhâwmpui chuan Pro. Pastor atân a la a, Thingsûlthliah Bialah dah a ni a. Kum 1975-ah Dâwmpui Kohhran Biak Inah Pastor atân nemngheh a ni a. Keitum Bial hawn tharah dah a ni a, heng bakah hian South Hlimen bial leh Dawmpui Vengthar bialah te a awm tawh a ni.

Kum 2001-ah Synod Moderator niin kum 2002 January thlaah a pension a ni. Pastor hna a thawh chhung hian Synod committee peng hrang hrangah a tawh a, nupa tuak 442 a innehtir a, mi 3,191 a baptis bawk.

Rev. S.R. Lalkailuaia hi a pension hnu aţangin natna hrang hrang - Chuap TB, Gland TB, Rilpui cancer, thawhah leh Plasma Myeloma ten an tlakbuak a. A cancer hian zawi zawiin a taksa lamah harsatna a thlen chho va, a khaw hmuh te a fiah lo zel a. October 19, 2025 (Pathianni) zinga a tho chu thawhah avangin buaipui ngaiin a awm a, Synod Hospital panpui nghal a ni a. Synod Hospital-ah hian ICU a lo ruah loh avangin Trinity Hospital-ah kalpui a ni a, ziaawm lam a pan zel a, November 8-ah damdawi in aţangin a chhuak a ni.

November 16, 2025 (Pathianni) zingah stroke avangin Trinity Hospital-ah admit leh a ni a, vanneihthlak takin a tha chhuak leh hlauh a. Mahse hemi hnu aţang hian a chaw ei a tui thei ta meuh lova, chak loh lam a pan chho zel a. December 20 (Inrinni) aţangin a tho kang peih ta lo a. December 25 (Zirtawpni) khan Synod Hospital-ah admit a ni a. Hniam lam a pan zel avangin December 29 (Thawhtanni) tlai lamah ICU-ah dah luh a ni a, a tuk zing dar 8:15 velah ventilator hman a ni a. Doctor leh Nurse ten theihtawp chhuah a an enkawl chungin December 30, 2025 (Thawhlejni) tlai dar 6:35 khan chatuan ram min pansan ta a ni.

Rev. S.R. Lalkailuaia hi December 31, 2025 (Nilaini) chawhnu dar 1 khan Dawmpui Vengthar West Kohhran Biak Inah Synod Moderator Rev. John Raldosanga'n a vui a ni. (www.mizoramsynod.org)

☐ **Hruaina Eng TV Programme**

- 15.1.2026 (Ningani) 08:30 pm : Thupui zir bing
- 16.1.2026 (Zirtawpni) 05:00 pm : Kristian Naupang Pual
- 17.1.2026 (Inrinni) 05:30 pm : Puitling Sunday School Zirlai
- 18.1.2026 (Pathianni) 07:00 am : Sermon - Upa Vanlalthuma
08:00 am : Weekly round up
- 20.1.2026 (Thawhlejni) 06:00 pm : Nilai zan thupui
08:30 pm : Kohhran Chanchin - Ramthar Veng Kohhran

☐ **FM Zoawi - Aizawl & Lunglei : Hruaina Eng Radio Programme**

January 16, 2026 (Zirtawpni) @ 7:30 p.m. :

- Solo : C. Lalrindiki - Va chuan nang che
- Zaipawl : Chaltlang Bial Zaipawl - Nun Krista
- Thusawi : Upa B. Zohmangaiha - Tunlai thil awmzia
- Solo : B. Lalbiaksiami - Amen lo kal ta che
- Zaipawl : Bawngkawn Bial Zaipawl - Ka tlan tu khawiah nge

☐ **Moderator leh Executive Secretary-te Programme :**

Rev. John Raldosanga, Moderator Prog.:

- Jan. 15-17, 2026 Lungphunlian Golden Jubilee lawmna hmanpui
- Jan. 18, 2026 Hnahlan Bial
- Jan. 20-21, 2026 Chhim Bial Committee

Rev. V.L. Luaia Hranleh, Senior Executive Secretary Prog:

Jan. 13-16, 2026 PCI Executive Committee, Meghalaya

Rev. Dr. K. Lallawmzuala, Executive Secretary Prog:

Jan. 18, 2026 Falkland East Kohhran (Zan)

Jan. 19, 2026 Women Centre Committee

Jan. 20, 2026 MSSU Executive Committee

Jan. 21, 2026 Rescue Home Managing Committee

Jan. 22, 2026 MSSU Trainers' Meet leh Income Tax Sub-committee

Jan. 23, 2026 Central Kohhran Hmeichhe Committee

Jan. 24-25, 2026 Muallungthu Bial KTP Conference

Rev. Dr. Rosiamliana Tochwawng, Executive Secretary Prog:

Jan. 19, 2026 Prison Ministry Committee

Jan. 20, 2026 Music Cell Committee

Jan. 21, 2026 SMTC Managing Committee

Jan. 22, 2026 Ramthar BEC

Jan. 23, 2025 Education BEC

Jan. 24-25, 2026 Rabung Bial KTP Conference

MISSIONARY TRAINING COLLEGE (MTC) HRIATTIRNA

Missionary Training College (MTC), Mission Vengthlang-ah Bachelor of Missiology (B.Miss) zir duh tan dil theih a ni leh ta. Dilna Form leh Prospectus hi Rs. 50/- in office hun chungin MTC Office-ah ni 1 October, 2025 atangin lak chhuah theih a ni e. Application Form hi MTC website: <https://www.mtc.edu.in>- ah download theih a ni bawk ang.

Dil thei chin : C1- XII pass chin

Dilna theh luh hun hnuhnung : Ni 27 February, 2026 (Friday)

Entrance Test : Ni 10 March, 2026 (Tuesday); 9:30 A.M @ MTC, Mission Vengthlang

Interview : Ni 12 March, 2026 (Thursday); 10:30 A.M

@ Committee Room I, Synod Office, Mission Veng

Sd/-

Rev. Dr. C. Lalramchhana

Principal

Missionary Training College

Mission Vengthlang

Ph. No. : 9818719321/9612164982

SIKULPUI 2026 -2027 ADMISSION HRIATTIRNA

NEW ADMISSION:

1. 'A' Pawl

Dilna Form lak chhuah leh theh luh hun -
January 19 - 23, 2026 (Office hun chungin)
Interview hun - January 27, 2026 (9:30 AM)

List tar chhuah hun - January 28, 2026 (9:00 AM)
Admission tih hun - January 28 -29, 2026 (9:00 AM atangin)

2. Pawl 2 - Pawl 7

Dilna Form lak chhuah leh theh luh hun -
February 16 - 27, 2026 (Office hun chungin)

List tar chhuah hun - March 3, 2026 (10:00 AM)
Admission tih hun - March 3, 2026 (10:00 AM -2:00 PM)

Note: 'B' Pawl, Pawl 1 & Pawl 8 atan Admission hawn a ni lo.

Headmaster,
Sikulpui

